

Prognostication avec ses Présages, pour l'An M.D.LXXI. composee & calculée par tout les neuf cli-mats de la terre par M. Anthoine Crespin dict Nostradamus, de Marseille en pro-uence, Docteur Mathematicien, Vallei de chambre ordinaire du Roy, & Mede-cin ordinaire de Monfeigneur le Côte de T ande Admirai de Leuant : Dédinée à Madame le Princesse de la Roche Suryon. L'ennemy, l'ennemy, foy promises Ne se tiendra : le captif retourne, Soubs édifice Saturnin trouué vrnes D'or. Capion rauy, & puis rendu.

A PARIS, Par Robert Colombel, tenant fa boutique rue S. Iehan de Latran, près le collège de Cambray. Avec Priuilege du Roy.


(90 x 160 mm, 30 pp.n.ch.)

CF. B.N. : V.21368

BENAZRA Pag 94 / CHOMARAT III

Prognostication avec
 ses Présages, pour l'An M. D. L X X I.
 composée & calculee par tout les neuf cli-
 mats de la terre par M. Anthoine Crespin
 dict Nostradamus, de Marseille en Pro-
 uence, Docteur Mathematicien, Vallet
 de chambre ordinaire du Roy, & Medec-
 in ordinaire de Monseigneur le Côte de
 Tande Admiral de Leuant: Dediée à Ma-
 dame le Princesse de la Roche Sur-yon.

*L'ennemy, l'ennemy, soy promise
 Ne se tiendra: le captif retourne,
 sous edifice Saturnin trouué vrne
 D'or. Capion rauy, & puis rendu.*



NON ARMIS

SED VERBO.

A PARIS,

Par Robert Colombel, tenant sa boutique
 rue S. Iehan de Latran, pres le college
 de Cambray.

Avec Priuilege du Roy.





A

Tref-haulte & Tref-
ILLVSTRE PRINCESSE,
MADAME PHILIPPES DE
Montspedon, Princesse de la Ro-
che sur-yon, Duchesse de Beaupre-
au, Contesse de Chemillé, Dame des
Baronies de Mortaigne, Cholletz, le
Guido, Bodister & Plocgauou.

QUAND ce grand Dieu, ce Dieu
qui tout modere,
Qui est tout bon, auquel l'hōme obtempere,
Estant assis en son siege doré,
Tenant en main son sceptre decoré
De fin argent, eut sur ce mortel monde
De son tonneau heureux la schéla bonde,
Au lyon force & à l'homme il donna
L'heur de vertu, dont il le couronna :
Et adionsta la celeste science

A ij

*Ioincte à vertu, qui ensemble l'aduance.
Brefluy donna tout ce qui sembloit bon,
Et honora la femme d'un beau don,
Que nous nommons vne beauté exquisite.
Mais vous, Madame, auez rōpu l'ēprise :
Car auez peu acquerir la vertu
Ayant l'esprit de scauoir reuestu,
Dont vostre esprit a ceste part gaignée,
Laquelle estoit à l'homme destinée.
Le vice lasche auez peu surmonter
Dont n'ay douté (Madame) presenter
Ce liure à vous : veu qu'estes l'exemplaire
De la vertu: veu qu'en vous se peut plaire
Tout un chacun pour ce don precieux,
Pour ce scauoir à vous transmis des cieux,
Qui vous decore, & vous rend admirable,
Et qui vous fait entre autres remarquable
Dont vous plaira, Madame, recevoir
En bonne part ce mien petit debuoir :
Lequel prouient d'un bō & frāc courage,
Qui a desir de donner tesmoignage
De vostre los, & de vostre renom
Autant luisant que l'astre d'Apollon.*



Au Lecteur

SALVT.

S ENS VIT vne prediction cō-
posée & meslée avec les pro-
pheties anciennes par noz an-
ciens philosophes Grecs, Ara-
bes, Caldeens, Hebraïques, Ægyptiens.
Et auons contempié & obserué ce que le
grād Albumusar aux reuolutions du mon-
de, & mesmement Messahala, Galiadila,
Abiaï, Baruch, Almam, Ioel, Ptolomée,
Herme, Aleabruch, Anglian, Platō, Aristo-
te, Pytagore, Empedocle, Democrite, Epi-
cure, Diogene, Thales, Metrodore, Bru-
fixte: Qu'on obseruoit les conionctions
oppositions, trines, quadratures, & sexti-
les des planettes passans par les douze si-
gnes du Zodiaque. Et auons contemple
les estoilles fixes de la premiere, seconde,
& tierce magnitude: Et les degrez fortu-

nez Azemenes, lucides, tenebreux, masculins & foemenins, vuides & steriles, obseruez par ledi& Autheur pour le cōmuniquer, quand il plaist à la sacrée maieste du Roy de les entendre? & la particularité que les Lecteurs ne pourront clairement entendre cy dessoutz escripte. Lesquels tous d'vne opinion, ensemble l'opinion d'Orpheus, lequel ataint le terme de la diuine philosophie, iadis celebrée par plusieurs desdits auteurs, venoit à discourir demonstrent apertement les sacrees ceremonies aux personnes incongnues, il ne venoit autre chose au commencement leurs defendre, sinō qui ne vissent point à profaner les mysteres diuins, à personne qui eust esté composé d'oreille incredulle & prophane: aussy iceluy ne venoit point à manifester les secrets de Religion incomposée, hormis à personnage qui en puisse faire iugement, ou à leur amis qui auoient desir de les entendre, par vn non encores ouy estude: Ou bien mieux, qui par la splendeur de leur nom, leur vissent à attribuer vn grand credit & reputation. Et aussy aiant receu quelque benefice, à fin quil ne soit enseuely, leur consacroient

leurs labours, à celle fin que benefacta ma le locata, ne fussent nombrez entre les mal-faiets. Ce que i'ay voulu conseruer la plus part de ma vie: mesme en ce mien petit labour que i'ay fait selon mon pouuoir & sçauoir, ayant prins l'opinion non seul de moy, ains de plusieurs sages & sçauans philosophes, & diuers Astronomiques, reuelations, toute lineature du corps humain obseruee.

DES METAVX.

PREMIEREMENT nous voyons des choses minerales, plusieurs richesses, & tresors cachez sous terre inopinément descouuers, & plusieurs bons marchez qu'on aura des biens immeubles & meubles: l'or, & l'argent, & pierres precieuses seront raries, & plusieurs cites dedans la Gaule seront bien fournies: l'argent & pierres precieuses seront transportees auxdictes cites, & les plus petits auront plus d'or & d'argent que plusieurs grands: tellement que iamais ne fut plus grande & admirable richesse depuis le Roy Peppin. Ce grand Dieu sera en l'aide de nostre sacré Roy, tant par son conseil que par autre

chose de son bon regime. Et autres metaux & choses minerales seront de bien petit pris pour vn temps, encores que le plomb soit en grand vſaige.

DES FRUITS.

Les herbes, & fruits, fleurs, & plantes d'eternité seront en extreme periclitacion de quelques neiges, brouillars, & de saison insolite: sera vne grande penurie de tous fruits, hormis de tous ceulx qui seront aigres. Dans l'Europe nous voyons que l'artillerie & la pouldre, & le plomb, serōt chers, & l'argēt sera à bon marché, & mesmement ſoubs l'eleuation de quarāte trois & quarāte cinq degrez à six ou sept villes. Et lors que toute esperance sera en l'abondance verdure, dans vn momēt sera demy perdu & corūpu par humidites superflues & exorbitans debordemens de fleuves.

DES ANIMAUX.

Les animaux brutaux periront, & les animaux de la laine ne seront gueres plus assurez, tāt par pestilēce que pour defaut de leur pasture pour les longues neiges d'hiuer, & pour la vehemēte chaleur de l'esté, par faute de breuuages & caues pestilētes, & par herbages gastez: grādes abon-

dances d'animaux, vollatilles, terrestes & aquaticques, encores plus reptiles, serpens scorpions.

D V G E N R E H V M A I N.

Les miseres & calamitez qu'õ a veu par le temps passẽ ne sõt rien au pris de celles que noz voyons aduenir. Cõbien que aux personnes mediocres pour quelque tẽps n'aparoistra, que i'oye, allegresse & mediocrité. principalement aux hõmes de basse condition & moyenne, accompagné d'vn dueil extreme, priué de toute allegresse, & farcy de plusieurs maux, pertes, incommodites, & tristesses aux plus grands.

D E S G O V V E R N E M E N S.

De l'administratiõ publique, plusieurs gouuerneurs conspireront à l'encontre de leurs Monarq̃s, & seront conspirees telles trahisons par des persõnes de telle qualité & cõdition, que lon dira l'ambition de regner les auoir faiet cõdescendre iusques à aucuns grands & fort apparans, qui cõparoistront deuant la face de leur Roy, avec vne vergongne, non sãs vne intrinsecq̃ tristesse, & si grãde, que ne se pourõt resiouir, ains perdront le boire & le manger pour la tyrãnie de plusieurs roys & monarques.

Et entre autres seront diuers Satrapes deboutez & dechassez de leurs monarchies regnes & principautez, pour la diuersité des sectes de Religion. Tant de factions doiuent aduenir, qu'il sera grandement difficile les pouuoir appaiser. Et quant à l'Europe où la pluspart de ceste signification, tent, mesme entre les Chrestiens, & en la secte Iudaique, où ils sont en plus grand nombre qu'en autre secte, si grande diuersité, altercatiō, & difference sera, que sera pis que ceux de la Gentilité & du Paganisme, qui s'etremesleront de sorte que lon cuidera propremēt que le grand Chaos soit de retout en ceste terrienne plage.

DE LA IUSTICE.

En la politique, & en iustice se fera vn grand & subit changement, qui sera fort moleste: & le Roy sera biē micux obei que n'a esté par le passé. Et alors on verra plusieurs voleurs priuez des villes, abaisser leurs estats, & en faisant leur soppes maigres apres les grands Conciles. D'vn costé & d'aulture vne fort longue guerre & pache feincte de Paix, si iamais il aduiēt que

en toutes nations de gens soient fai&ts tumultes de grandes guerres tant naualles que terrestres & expeditions ingentes, & des seditions autant grandes que furent onques.

DE L'AGRICVLTVE.

Les pauvres agriculteurs & laboureurs auront beaucoup à souffrir & ne scauons qu'elle fatale tyrannie (Dieu le scait) les y poursuit: les perſones & bestail destinéz au labourage seront, rauiz, pilléz, & meurtris. Et puis en plusieurs endroits quád les blez seront en point de moissonner, le feu consumera le tout par plusieurs boute-feuz enuoyez par ennemys.

DES ARTISANS.

Tous autres artisans viendront à entendre & esprouer la varieté de la fortune, & deplorable aduenemēt, qui serōt beaucoup plus acerbes que nous ne scaurions raconter ne mettre par escript.

DES MARCHANS.

Le temps sera fort infelice, malheureux & du tout miserable aux marchans. Vn

grand nōbre de toutes sortes de marchās
tāt par mer & fleuves, que par terre entre-
prendront des grās voyages: Car à la plus-
part tout succedera à rebours nō sans grā-
de perte de leurs biēs, & grand danger de
leur vie. Piratiques serōt faiēts captifs avec
perte de la plus grande perte de leurs biēs.

DES MALADIES.

Des maladies & opressions corporelles
durāt le discours de diuerse contradiction
de religion, le temps sera adonné à mala-
dies contagieuses. Plusieurs tant hommes
que fēmes tumberont en alienation d'en-
tendemēt par diuerses melancholics, que
de long temps ne se pourront tourner en
leurs bon sens & autres maladies cōtagieu-
ses que plustost mouront, que le mal
soit cogneu & le remede adhibe pour la
negligence des medecins, qui n'auront la
congnoissance de l'astrologie pour y pre-
voir, suiuant l'inclination des astres, car on
veoit vn grand nōbre qui n'en ont la con-
gnoissance. Et lesdicts effects à l'aduenir
passeront par les prouinces & villes cōme
à l'Isle de France, en plusieurs villes de la
Picardiē, & en plusieurs villes de la Nor-
mādie, & en plusieurs villes de la Guyen-

ne, & en plusieurs villes de Languedoc & de Gasconne, & par tout la Conte d'Auignon, & en plusieurs villes de la Provence & de mesmes au Dauphiné, de là passant par le Lyonnois, & la Borgogne, la Bresse & la Sauoye, & la Champagne, Flandres, & la Bretagne. Et de mesmes en Espagne en plusieurs villes du royaume d'Espagne, comme au pais de Galice, & de Aragon, & de Nauarre, & de Cathalogue, & de Portugal. Et en plusieurs villes de la haulte Alemaigne, & de l'Alemaigne scituë sur le Rhein : comme les villes de Algee en Rhetie, la ville de Brigant en ladiete Alemaigne, & les villes de Sueue basse, & les villes de Vertemberg Duché de la Sueue superieure, en la Marche de Baden, & vne partie de la ville de Vertemberg Duché de Sueue en Alemaigne, & en la Duché de Franconie aux hautes Alemaignes, & en plusieurs villes des Suiffes, & de Geneue. Et outre auons regardé en plusieurs contrees de l'Italie, mesmemēt de la Romanie, & aussy en plusieurs villes au royaume de Naples, & du pais de la Pouille, & de la Calabre, & de la Sicile, & de la

Corseque, & de la Sardaine, & plusieurs villes du Millannois & du Piemont, & plusieurs villes du Duc de Ferrare, & aussy de Gencuois, & Lucois, & plusieurs villes de la Duché de Florence, & aussy en plusieurs endroits du pais du Duc de Palmes, & aussy en plusieurs villes du Duc de Mantoue, & aussy en plusieurs villes du Duc de Vrbin, ne cōprenant point les Venitiens, qui ont la guerre contre le Turc pour le presēt: car ils en aurons d'autres: Et aussy l'Angleterre est comprise, & l'Escosse, deuant que lesdictes Religions soient appeisees. Et sera deuant L'an 1574. qu'ils seront bien contens des seruices qu'ils auront faitz à leur sacré Roy. Je ne passe plus outre: on en verra la verité. Ne comprenant point toutes les guerres des Infideles, qu'ils ferōt les vns contre les autres. Et en leurs contrees seront destruiets de leurs gendarmes, prins & separez en plusieurs contrees: Suiuât ce que plusieurs philosophes & astrologiēs tiennent pour l'occasion de la coniunction de Iuppiter & Venus, qui ne sera que tranquillité & amour: Mais quand ils auront bien regardé les mouuements agiles du firmament, &

qu'ils auront veu Saturne assis au signe de
Libra en ascendant à ladiète reuolution ;
& auront contemlé toutes choses suscrip-
tes, leur fera uoir vn autre langaige,
qu'ils n'ont accoustumé tenir: Pource que
le monde ne seroit point appellé monde,
ains seroit appellé siecle s'il n'auoit point
de guerres. Exemple, premierement les
Monarques sont adonnez au seruire de
Dieu, comme ils sont tenuz à ce faire. Et
les Empereurs & Roys sont adōnez aussy
au seruire de Dieu. Et à ordōner la police
de leur Royaulme, pour faire rendre à vn
chacun ce qui luy appartient. Et puis la
gentilese en general, qui sont ordonnez
au seruire de leur monarque & Roy: sans
oublier de mettre leurs enfans en plus-
grands biens que eux mesmes: les finan-
ciers sont occupez en leurs finances pour
se prendre garde de ne se mesconter en
leurs desauantaige en leurs comptes. Et
les marchans sont occupez pour se pren-
dre garde en leurs marchandise, de peur
qu'ils ne soient trompez de leur marchan-
dise. Et aussi les philosophes & astrologiēs
sont adonnez à contempler. Et les labou-
reurs sont occupez à cultiuer leur champs

pour dōner viures à tout le peuple, & ainsi de tous les autres arts qui seroiēt trop long à racompter. La puiffāce diuine pour preuoir à choses necessaires: cela s'entēd de ceulx qui ont le mouen de les auoir pour eux entretenir des Roys & Princes & grās monarches de la terre, pour se garder de tōber aux inconueniēs auxquels plusieurs autres sōt tombez autrefois, qui en regardant en hault, le pied leur failloit en bas.

Conclusion, nous voyons quād lesdicts mouuemens auront passé par vne prouince, ils passerōt par l'autre. Et combien que les choses s'usscriptes soient ia aduenues, nous les voyons aduenir de rechef. Mais Dieu est sur tout pour dispenser à sa volente desdictes choses. Combien que Dieu tout puissant ayt à soy reserue la congnoissance vraye des choses futures, comme tesmoigne icelle verité, disāt il n'est point à l'homme de congnoistre les mouuemēs que le pere a mis à sa puissance. Toutefois de sa grande liberalité il a donne à ses creatures des beaux dons, par lesquelz ils peuuent preuoir aucunemens par coniectures aux choses aduenir. Comme on veoit les oyseaux qui denoncent la disposition

du temps par leur chāt & mouuement. Et
comme les hommes raisonnables estans
occupez de quelques douleurs de mem-
bre, que la douleur leur empire, quand le
temps vient à se changer.

O Tresmagnanime Princesse, suiuant
les inclinations des astres sur vostre geni-
ture, à qui nous voyons aduenir toute pro-
sperité, apres malheur, i'ay prins ceste har-
dieſſe de vous consacrer cestuy presage,
contenant plus outre que de l'an Mil cinq
cens soixante & vnze. Vous prie de le
prendre de non moindre affectiō que du
plus moindre de voz seruiteurs & subiects
que suis à la couronne. De Paris ce premier
de Septembre Mil. cinq septante & dix
pour l'an Mil cinq cens septante & vn. Et
plus outre.

C

S'ENSVIVENT

les quatre temps pour
l'an Mil cinq cens septante & vn.

Le printemps.

LE printemps commence le douxieme du mois de Mars: quand le soleil entre au signe d'Aries. Le grand Albumazar & autres philosophes demonstrent selon les signes celestes, qui la pluspart dudit printemps sera adonné à chaleur & maladies pestilentes, & autres maux contagieux. Et menassent grandement les personnes qui sont neez, soubz Mars & Iuppiter. Et regneront de grandes maladies froides & humides, catharres, alienations d'entendement, pour les froidures qu'on aura enduré l'hiuer passé. Et bon sera de se purger & saigner, ceux qui l'ont accoustumé: Non obstant que ledict temps ne regniert lesdictes maladies.

R E G I M E P O U R T O U T E S P E R -
sonnes qui ont moyen de ce faire,
& en toutes saisons, comme on
verra par escript audict
printemps.

IL est bon de porter habillemens ny trop froids ny trop chauds, comme d'estamine, pourpoint de fustaine, robes moyennes ou longues, fourées d'aigneaux plus commencement. Et en ce temps on doit manger legeres viandes qui refroidissent comme poulets, cheureaux, perdrix, brochetz, perches & tous poissons escaillez. Et boire vin temperé, qui ne soit trop fort ny trop doux. Car en ce temps de toutes choses douces on se doit garder d'en vser. Et doit on dormir longue matinee, & non point dormir sur le iour. Si que pour manger on ne perde son appetit, & qu'on ne mange iulques à saturation & repletion. Toute chair & poisson sont meilleurs rosties que boullies. Et que les boullies amendent d'estre gresillées sur les charbons. Et en ce temps y aura plusieurs chasseurs qui seront chassez ensemble l'esté, l'autonné & l'hyuer prochain.

L'esté.

L' E S T E commence ceste année 1571. Le 12 du mois de Iuin, que le soleil entre au signe de Cancer. Le temps sera temperé. Alors regneront la plus part du temps brouillarts, pluyes, véts, & quelques tonnerres qui feront quelques dommages à quelques fruiçts & à quelques climats de la terre. Et alors y regnera des maladies, des troublemens de cerueau, & de la teste, & les appartenances d'icelle & debilitation de cœur, sincopis, & maladies prouenant de sang.

REGIME POVR LEDICT TEMPS.

Les robes, chemises, froides & legieres, les chemises de lin, pourpoint de soye & de estamine, & de toille deliée. Il est bon de manger viandes, comme poulets, verrins, leuraux, ieunes connins, lectues, porchailles, melons, citrons, pōmes, poires priuées, & le poisson que nous auons deuant nommé, & manger viandes qui refroidissent, & aussy manger peu & souuent, desiu

ner ou d'isner matin auant que le soleil monte, & soupper deuant qu'il se couche, & vser desdictes viandes & des choses aigres pour donner appetit. Et se garder de manger trop sallé, & de se gratter, & boire souuent eue freische boullie avec sucre, tisanne, & eues qui refroidissent. Cecy faut faire à toute heure que l'appetit prend de boire, fors à l'heure de d'isner ou soupper où faut boire vin fort & verdelet, melé de eue à demy: Et aussy se garder de trop traouailler & de s'efforcer: Car en ce temps n'est chose si griefue que se se trop eschauffer. Et en ce temps se garder de trop coucher avec femmes. Et se faut baigner souuent en eue froide, pour la foible chaleur qui est dedans le corps efforcer par celle de dehors. Tousiours il est bon auoir sucre violat, & aultre sucre & dragée: dequoy faut vser peu & souuent. Et en tout temps le matin s'efforcer de tousser ou cracher, & de vuidet les flegmes qui s'ont engendrez la nuict, & se vuidet par hault & par bas le mieux qu'on peut: & lauer au matin les mains d'eue froide & le visaige.

L'automne.

L'automne commence le quatorzième du mois de Septembre, que le soleil entre au signe de Libra: Alors regnera des furieuses maladies, si soudaines que plustost on mourra que le mal soit congnu & le remede adhibe. Le temps sera adonné la plus part à ventz & brouillars. Il sera vn iour beau & deux iours laids. Et en ce temps gens de robe longue & de praticque sont plus menassez que toutes nations de maladies & de mort.

REGIME POVR LEDICT TEMPS de l'automne.

En ce temps on se doit diligemment purger & saigner, pour temperer les humeurs qui sont dedans le corps. Car c'est la saison de l'an plus subiecte à maladie, en laquelle maladies aduicnent. Et pource est bon manger bonnes viandes, comme chapons, poulletz, ieunes pigeons. Et boire bon vin sans se remplir. En ce temps se faut garder songneusement de man-

ger fruits: Car cest la saison de l'an la plus dangereuse à fiebures. Car nous trouuons que oncques n'eut fiebures qui ne mengeast de fruit. Et en ce temps n'est bon de boire de l'eau, & ne se lauer en eau froide, fors que les mains & le visage, & se garder la teste de froid de nuit, & la matinee, & se garder de dormir entour midy, & de traouiller trop, & de endurer faim ne soif, ne manger quand on a talēt, non pas qu'ils soient plus pesans ne qu'ils en aient le forcellé enflé.

L'hyuer.

L'hyuer commence le douzième de Decembre que le soleil entre au signe de Capricorne. Cest hiuer sera beaucoup à craindre & inconstant en toutes choses: de maladies, de mort intemperée, qu'il y a dix ans passez qui n'a regne de si furieuses maladies, lepre, chancre,

pourriture, fiebres quartes, oppilations, hidropisies, fleux de ventre, colique, podagre, sirargue & sciaticque, sourdesse, & difficulté de respirer. Et en ce temps il est bon d'estre vestu de robe de laines biē espesses & drap velu, haut tondu, fourrées de regnards, & à long poil, qui soiēt espesses. Et en ce temps est bon māger chair de bœuf & de porc & de cerf, & de biche, & de toute venison, perdrix, faizans, lieures, oyseaux de riuere & autres qu'il aimeront le mieux. Cela s'entend de ceux, qui les peuvent auoir: c'est la saison de l'an que la nature souffre plus grande planté de viandes pour la naturelle chaleur qui a esté retiree dedās le corps. Et il est bon boire bon vin fort, chacun selon sa complectiō: vin bastard ou maluoisie deux ou trois fois la semaine: vser de bonnes espices en leur viandes. Car ce temps est le plus sain de toute l'annee, auquel ne viendra la maladie, si ce n'est par grands excès faicts en nature par mauuais gouuernement.

Dur mouuement des humeurs,
qui se fait selon le mouuement
du soleil, qui dominant sur les
personnes sans les con-
traindre.

PREMIEREMENT trois heures
deuant se'cil leuant à 3. heures apres
ensuiuantes domine l'humeur sanguine,
que ceux qui sont enclinez à ladiète incli-
nation d'humeur sont charneux, liberaux
amiables, begnins, ioyeux, ingenieux, au-
dacieux, lubricques, de couleurs rouges,
Et telles gens ont vin de Singes.

ITEM les 6. heures apres domine l'hu-
meur colericque. Ceux qui tiennent des-
dictes humeurs sont hastis, enuieux, con-
uoiteux, subtils, irascibles, vaillans, prodi-
gues, maigres, de couleur iaune, subtils où
ils appliquent leurs sens. Et ils ont vin de
Lyon, c'est à dire quand ils bien ben, veul-
lent causer, noiser, & battre.

ITEM les 6. heures apres domine l'hu-
meur melancholicque. Ceux qui sont en-
clins ausdictes humeurs, c'est d'estre soli-

taires, pusillanimes, timides, tristes, enuieux, curieux, auaricieux, de couleur noire. Ils ont vin de pourceau : c'est à dire quand ils ont bien beu, ne quierent que de dormir ou somciller.

Item les six heures apres domine l'humeur flegmatique. Ceux qui sont enclins audict humour, c'est d'estre bien composez, endormis, paresseux, durs d'entendement, pesans, habondans en saliuë, de couleur blanche, & grand visaige. Et ont vin de mouiton. C'est à dire, quand ils ont beu semblent estre plus saiges & entendus'en leurs besongnes.

L'an apres la creation du monde, selon
 la vraie supputatiō des Cronographes
 Mil cinq cens trente, & de la natiuité de
 nostre Seigneur Iesus Christ Mil cinq cés
 septante & vn, Nous auons pour

Nombre d'or	14
Cycle Solaire	12
Epacte	3
Letre dominicale.	G
Indiction Romaine quatorziesme iusques au 24 Septembre, apres quinziésme.	
Interualles six sepmaines & six iours.	

Les festes mobiles.

Septuagesime	11	Feburier
Dimanche gras	25	Feburier
Mercredy des cendres.	28	Feburier
Pasques	15	Auril
Rogations	20	May
Ascension	24	May
Pentecoste	3	Iuin
Trinité	10	Iuin
Feste Dieu	15	Iuin
Aduent	2	Decembre

Pour sçauoir le temps

que les Noces se doibuent celebrer
& en quel iour elles finissent.

Les premieres nopces commenceront le
quatorziesme iour de Ianuier & finiront
le vingt & vniesme iour dudiect mois.

Les secondes commenceront le vingt
troisiesme iour d'April, & finiront le
vingttroisiesme iour de May.

Les troisiemes commenceront l'vnzies-
me de Iuin, & finiront le premier iour de
Decembre.

Pour cognoistre quand viennent
les quatre temps.

Le premier sera le	7 9 10	Mars.
Le second le	6 8 9	Iuin.
Le tiers le	19 21 22	Septébre.
Le dernier le	19 21 22	Decembre

Quelles planetes regnent chacun iour & nuit de la sepmaine, & tout le long de l'annee perpetuellement nous l'auons declaré en nostre Almanach. Au plus petit iour de l'annee nous trouuons quarente deux minutes, & cinquãte secondes, pour le regne ou duree de chacune planete: & pour la nuit nous trouuons vne heure & dixhuiet minutes, pour le regne de chacune planete. Car quand les iours sont petits, les planetes regnent peu, & la nuit longuement: & au contraire au plus grand iour de l'esté les planetes regnent beaucoup le iour, & peu la nuit. Le soleil entrant en Aries ou Libra au commencement autant regnent les planetes comme les heures de l'horloge.

DES HEURES, MINUTES,
ET SECONDES.

En chacune heure de l'horloge y a soixante minutes.

Et en chacune minute soixante secondes.

Extrait du priuilege.

PAR le Roy en son conseil est permis à M. Anthoine Crespin, dict Nostradamus, de Marseille en Prouence, son Vallet de chambre ordinaire, & Medecin ordinaire du Comte de Tande, Admiral de Leuant, de faire imprimer en ceste ville de Paris les Almanachs, predictions, & autres liures de Mathematique, que ledict Crespin fera durât sa vie: apres auoir esté veuz & visitez par l'euesque ou son vicaire, & par le Preuost ou son Lieutenâr. Et sont faictes defenses à tous Libraires & Imprimeurs de les iunprimer ou faire imprimer, ny vendre, en quelque forme & maniere que ce soit, sinon à Robert Coulombel, auquel ledict Crespin à baillé la presente copie: sur les peines contenues audict priuilege.

